

〈Sîn 話鬚仔〉

(一)

2020年ê春天，袂輸是14世紀瘟疫四界炭ê歐洲。為著顧性命，逐家自按呢攏盡量kā家己關leh，城嘛時行封leh，甚至國ê邊境嘛鎖leh。一直chhong-pōng無間teh pha-pha走ê腳步自按呢放慢、恬靜落來，咱嘛chiah有機會聽著咱心內ê聲。舊ê世界、舊ê價值、舊ê理論規个攏大走山去矣，新ê天地、新ê想法毋知是生啥物款？

永過彼陣Italy城市ê圍牆是遐呢懸、遐呢勇、遐呢厚，有法度擋住任何火砲ê攻擊，毋過按呢kám著會保障您ê安全？毋知影ùì當時開始，佱親近ê人手牽手，按呢相攬相啣，繼袂輸是邀請死神來跳最後ê Tango？一下講再會了，嘛毋知影ti時會koh再相會？遐呢濟熟似ê人影，古錐ê bah叻笑攏猶未相辭leh，死神毋知ti時英雄to現面，隨kā您攏掠去藏。繼予人心內一直起僥疑：穿孃孃，抹香香（phang），人khèh人ê繁華，kám講攏是誘拐予人òe著病自按呢死去，一張上jio-toh ê包裝紙？予人囂俳（hiau-pai）ê金錢、權勢、地位，佇死神ê面頭前，beh哪有較差（khah-choáh）啦？本來市街ê人一直是按呢挨挨陣陣，鬧熱滾滾，睏一醒精神起來niâ，彼款著人che ê恐怖佱驚惶（kiaⁿ-hiâⁿ），自按呢攏予人放揀（sak）現空城。性命是遐呢軟弱（nóng-chiáⁿ），大風一下來隨時吹hoa去，最後猶會記得啥？彼陣十个少年家疏開去庄腳，足無聊ê時，您用Tuscan上親切ê話來講古，逐工予無仝人輪流來做莊官（chong-koaⁿ），無論是外讞（hàm）、外古錐、外笑談，總是予人一點仔溫暖。佇彼个讀冊人攏干焦知影拉丁文ê時代，您ê聲音予人記落來矣，kám有人知影您是teh笑啥貨？是teh煩惱啥代？彼陣少年家嘛毋知影講，您ê形影無意中予小說家寫落來；小說家覆佇桌頂那寫那笑ê時，嘛毋知影講he是現代 Italy文ê開始，甚至幾nā世紀以後ê人kā伊彼个時代號做文藝復興。遐ê話鬚仔拍算藏佇玻璃研仔，遐ê笑聲、吐大氣ê聲自按呢予伊佇茫茫ê大海bók-bók泅，嘛毋知beh流外遠、等外

久，chiah予人拏著？

(二)

Sîn話鬚仔，是我做囡仔時代上趣味ê記持。細漢ê時暗頭仔若食飽，定定椅鼓頭仔夯leh，央爸仔講故事予我聽。茶前飯後，伊攏嘛ài講鬮瓠（hāu-hia），講飯末（png-lē），講天掠皇帝，按呢叫做話鬚仔予人sîn啦！話鬚，此个詞真有意思。就算講咱聽人講過真濟話，毋知伊是teh講真--ê，抑講假--ê，何況有ê人講話按呢茭筍（ka-ló）茭筍，咱若聽聽leh，最後嘛干焦會記得一、兩句仔niâ。親像有ê老歲仔嘴鬚留kah長長長，無張持一、兩支仔落落（lak--lòh）去塗腳，咱若刁遲工認真beh去拏，嘛毋知ti時chiah尋會著一支。Beh哪拏會完全啦？干焦囡仔人遮古意、遮古錐，講beh用雙手去kā sîn看有無啦？逐暗食飯飽，我攏是按呢趕緊leh，beh à伊講古予我聽。毋過彼款趣味，大漢了後繼愈來愈少矣。

出國留學轉來了後，koh再一遍央伊做話鬚仔予我sîn，kā錄起來。錄音是永過去庄腳做調查ê時，beh瞭解無仝時代上重要ê一支鎖匙，毋過我毋捌錄過家己厝內ê人。嘛好佳哉徧遍有kā錄起來，後來to絕版矣。伊過身進前人攏反形矣，無啥ài講話，嘛無啥ài chhap--人。伊過身了後ài kā念經，猶會記得伊在生ê時上感人念國語--ê，beh尋人念臺語也無地尋啦！為著按呢，ùì頭到尾我家己念，學伊ê氣口（khùi-kháu）按呢足綿爛念--ê，暗時睏去連眠夢嘛聽著人teh念經ê聲。透早一下精神，猶看著少年時代ê伊按呢笑眯眯，真歡喜ê款式。想著以前錄過伊ê聲音，自按呢kā放出來聽。一直聽、一直聽，伊ê聲音有一種真熟似ê溫暖，猶有一種真親切ê笑容。

(三)

無錄音技術ê時，beh勉強kā您ê聲音紀落來，予遙遠時代ê人ùì漢字讀起來kám會親像真言咒語？有一遍佇圖書館掀著昭和時代ê舊報紙，雄雄看著永過ê

歌謠採集，真歡喜攏kā印印落來，提轉去厝分家父做伙看。有一塊歌謠寫「央大妗，做媒人，做到落（to-loh 何處之意）？」看著恰伊差不多平濟歲ê報紙，伊小tùn-teⁿ一下。一字一字讀：

「央大妗，做媒人，做kàu-lòk？毋是！Hm̄…，to-loh？啊…，做tô--loh！做tô--loh著是講做tó位啦！He拍算海口腔ê款？較早咱一个老厝邊外仔呢古錐leh！咱四常kā人招呼是講，你beh去tó位啊？您講，beh tô--loh？」

予伊想著熟似人ê氣口（khùi-kháu），隨時koh學了真成，心適kah。阮猶閣做伙念〈椅仔姑〉，讀到尾仔，鼻孔所鼻著--ê是檳榔、荖葉藤ê香味，頭殼像淋燒酒醉按呢小khóa gōng。咱ê心肝內慢慢仔浮出伊ê形影：三歲三、穿白衫、烏領罩、綉裙綉繡包，彼个身世真可憐，去予人苦毒kah死去ê查某囡仔嬰。雖然咱目睭看無--ê，永過參加ê人聽著--ê，無大故是人吟唱ê聲音niâ，最後干若親像看著彼个痛苦ê靈魂全款。逐家嘛攏知影您阿嫂捌對伊百般苦毒橫逆，ài kā安慰講「姑仔你來，嫂仔攏毋知」。

字，kám恰烏白cho-cho--ê，清彩畫畫leh，無人看有ê符仔全款？無人讀，無人去感受，文字恰白紙頂面滴著墨水ê色緻其實攏全款。咱袂記得伊原本是有聲音--ê，有畫面、有溫度、有情感、有血有目屎--ê，只是予人藏kah足pih-chah--ê niā-niā。冊，嘛毋是因佇冊店玻璃窗予人當做看嬌ê商品，抑是圖書館ê收藏niâ。頂真讀入去ê人，chiah會聽著伊ê聲音，會去予迷去。就親像看電影全款，會替內面遐ê受苦ê靈魂按呢操煩kah袂記得食、袂記得睏，甚至感動kah目屎流。

（四）

毋過，文字有時是思想自由ê封印，捆縛kah予人根本攏無法度去思考。永過阮同學捌佇聯考地理科提上懸分--ê，伊ê筆記整理kah真四序，親像中世紀修道院抄ê經文遐呢嬌，毋但整齊，koh彩色--ê，有伊家己畫ê地圖koh註明kah清清楚楚。彼陣有一款題目是beh刁難人--ê：ùi中國ê某一个所在到別位，著坐tó

一條鐵路，經過啥物地號名，koh換啥物車，koh經過啥物所在？按呢彎彎幹幹，有夠複雜--ê。規世人攏毋捌去過ê所在恰地號名，恰beh考人火星頂面ê地理全款，beh哪有法度記清楚啦？就算講彼款予人真頭疼ê題目，伊嘛照常滿分。您老父是戰後綴國民黨來臺灣ê老兵，解嚴彼陣臺灣chiah慢慢開放，伊當然嘛從按呢綴序大人轉去探親。伊塘著去過『呼和浩特』往診轉來ê醫生，伊心肝內一直teh疑問講：he是啥物所在啊？伊地理考kah遐呢好，beh哪有可能毋知？真久以後伊chiah知影，原來是『歸綏』啦！歸綏，有ê老臺北人刁工kā讀choáh去，講號做龜蓑（ku-sui），實在有夠kok-pih--ê！若beh瞭解世上ê動物遮呢濟種，為啥物偏偏beh用龜來形容彼款性格ê人，可能著ài去聽吳樂天講古ê笑談。彼條路是日本時代出名ê藝旦街，遐ê土地公廟嘛是人定去看戲ê所在。臺北此款街路名猶真濟，啥物庫倫、迪化、北平攏是過時ê地號名。若用彼款地號名恰地理觀念出國去，根本尋無路。『呼和浩特』是蒙古話，意思是青翠ê市街。用蒙古話叫出家己故鄉ê地號名，嘛是蒙古人ê基本權利，kám毋是leh？

伊上深ê感受是，為啥物彼陣ê教科書攏beh騙--人？

佇真久長ê少年時代，我定定暗時食飽，不時to走去冊店巡看看leh。有當時仔一下買轉來，彼暗看了矣，隔轉工to koh提去還人矣。橫直一直讀，一直尋，嘛毋知影家已到底是teh尋啥貨？佇彼个有夠無聊ê時代，我干焦一直想beh佇冊內面，看有彼款熟似ê形影--無？有淡薄仔字句有相牽連ê描寫嘛好，甚至字句有一屑仔相像to好。彼款走尋ê生狂恰痛苦，袂輸是佛經講ê餓鬼（ngō-kúi）。伊ê nâ喉像針遐呢細，腹肚像牛遐大，食物（chiáh-mih）根本無法度吞落喉。路尾手我chiah體會著餓鬼ê悲哀，是枵ê輪迴：枵予伊一直想beh食，毋過任何予伊提過手ê物，攏食無。從按呢予伊ê慾望比永過koh較強，只是註定全款無法度滿足，按呢佇痛苦悲哀ê大海愈沉愈絕望，愈絕望koh沉愈深。

（五）

一直到捌佇舊書店尋著一本小說，內面寫ê臺北街頭，明其知影he是幾十年

前ê代誌niâ，毋過耳孔聽著ê日語，目睷看著ê光景攏是遐呢生份。彼陣到臺北落車頭，遠遠to看著臺灣鐵道飯店ê厝尾頂。落車頭一下搵手，人力車坐leh，來去港町。彼个時代ê新女性，日時佇太平町ê雜貨店食頭路，暗時去麵圓環食點心，歇睏日逐家koh相招去圓山明治橋，划（kò）ボート（boat）坦坦。臺灣鐵道飯店、港町、太平町kám佇臺北？明治橋後來予人改名叫做中山橋，he橋下底ê基隆河聽好（thèng-hó）予人划船仔？這kám正實（chiaⁿ-sit）--ê？毋是講彼篇小說寫了按怎好，上予我著驚--ê是，此世人頭一擺chiah發現家已遐呢無知，對咱ê土地完全無瞭解。彼陣我chiah去瞭解彼个所在，原來以前有臺灣神社，嘛捌去熟似he附近臨濟禪寺ê出家人，chiah知影永過遐ê日本和尚嘛寫漢詩呢。自按呢我真綿爛想beh瞭解日本人起ê臺北城，到底是生做啥款？

西門町有一間西本願寺，戰後繼變做保安司令部提來kā人刑，kā人問口供（kēng），kā人秘密處決ê所在，戒嚴時代是警備總部ê軍法處。講暗時若對遐過，不時傳來予人刑ê慘叫聲、鐵鍊仔聲、啼哭聲。我有走去遐尋，只是看著一个生理場niâ，啥物影跡嘛無。嘛捌佇遐附近，無意中發現一間像公寓彼款樓仔厝ê媽祖廟，內面竟然有chhài真言宗ê弘法大師？後來chiah知影怨舊底彼个真chiâⁿ婿氣ê寺廟，早to予人放火燒去矣，附近規大片ê土地攏總變成商店。猶閣有曹洞宗ê廟寺，干焦賭一塊仔完整--ê niâ，彼陣舊ê大殿猶真婿，毋過連beh尋一个所在倚leh翕一下相嘛無可能。四周圍攏總予違章佔kah密（bát）chiuh-chiuh，人客佇遐ê攤仔頭食kah規塗腳ê穢sòe。連鐘樓嘛有予人peh去頂面佔躑ê痕跡，he通口用枋仔釘起來矣，袂輸貼膏藥leh，有一款予人躑躅了有夠忝，閣講袂出嘴ê淒涼。真濟年了後，chiah看著司馬遼太郎ê《臺灣散步》，冊皮就是畫彼个破敗ê鐘樓。永過辭年ê暗暝，he鐘樓一下敲（khau）鐘，講連臺灣總督府遐嘛有聽著。遐ê和尚講kah若真--ê leh，予我想著《洛陽伽藍記》，講永寧寺有一座九丈懸ê塔，外婿leh，連菩提達磨初初來到中原，遠遠to看見佇日頭下腳金光燦爛，猶閣聽見塔尾ê鐘仔聲lin-liang叫。若beh kā he鐘樓ê冷清稀微，予違章圍leh彼款ê lak漆衰稜，猶閣藏佇西門町內面彼款人間地獄ê廟寺攏寫

落來，毋干若是teh寫一个看袂著ê臺北城？彼款無看見ê城市，嘛予人看無ê城市，kám會親像予人扮演角色坦坦ê電動（RPG）佇數位世界起造ê城市？抑是像來自遙遠西方ê少年家Marco Polo去kā大蒙古帝國ê皇帝報告講，伊記持ê城市、慾望ê城市、死亡ê城市？彼款看袂著ê光景，看袂著ê城市，用咱ê話去描寫kám有法度講出臺灣人ê悲情？

《洛陽伽藍記》是beh用洛陽寺廟ê起造佻毀滅teh講鮮卑人ê悲情，讀起來袂輸小說leh。伊有寫著一个出家人過身七工猶閣活起來，佻閻羅王講過話ê代誌，嘛有寫城陽王去投靠家己ê部下，無疑悟予人恩將仇報，謀財害命，冤魂自按呢kā人托夢來替伊報仇。編《資治通鑑》ê時，竟然毋是去參考一般認定ê正史《魏書》，是參考此本書。小說，有當時仔竟然比歷史猶較真實吧？

（六）

讀研究所了後，我chiah有機會koh倒轉去庄腳，用家己一雙腳，重新去認捌此塊土地。予我koh再一遍體會細漢時，家己一个人去媽祖廟看迎鬧熱看kah半暝三點外ê趣味。暗時十二點外，我捌綴媽祖轎行過西螺大橋。規條街仔路ê炮仔聲已經愈來愈遠，干焦聽著轎班肩胛頭sim一下sim一下ê聲，猶閣有一支ê古吹ê綿纏。佇這恬靜ê暗暝，看對橋腳去，規片烏烏暗暗，干焦溪流ê水聲遐呢清、遐呢明。永過干焦佇冊頂面知影臺灣上長ê溪流是濁水溪，第一遍用家己ê雙腳行過西螺大橋，chiah知影he溪是遐呢長、遐呢婿。

有一遍我去彰化二林庄腳佻一陣o²-ji-sáng開講。永過庄腳人若做秧仔播了，等收成進前猶有一段làng縫（phāng）歇睏。看是beh學南管、北管、歌仔，抑是車鼓攏好，頭人to去倩先生來教子弟館，一館四個月。便若庄頭神明生，怨著出陣鬥鬧熱，毋但出力koh出錢，攏嘛予人消遣是「躑子弟」。除了此款子弟館，永過他庄頭嘛捌按呢，田若播了，逐家招招leh，組割稻仔班落去下港趁外路仔，ùi屏東代先去啦！屏東割了換高雄、臺南、嘉義，按呢沿路直直割轉來彰化。稍歇一時仔，家己種ê稻仔嘛拄好飽穗，差不多好收矣。割稻仔是

上驚西北雨，南臺灣ê熱天便若看見烏陰，逐家著趕緊leh下性命割，袂輸teh拍火leh。抑若無，連鞭大雨來to麻煩矣。割稻仔足好孔--ê，是一工聽好（tèng-hó）食五頓，除了三頓，猶有米粉、大麵、米篩目、菜瓜糜做點心。看您講kah按呢嘴笑目笑，予我想著細漢ê時，捌揷點心去予鬥割稻仔--ê，無定著就是您少年時ê形影？

做囡仔ê時干焦捌學過『螢火蟲』按怎寫niā-niā，頭一擺看著火金姑是老父教--ê。佇田岸邊，佇草phō 腳若斟酌看，會看著按呢燦一下、燦一下。雖然毋是真大葩ê光，he真正是熱--人天地ê奇蹟。爸仔笑講我是都市sōng，確實也無錯。阮干焦會曉ù課本『農家樂』，去幻想做田人ê生活。後來真正佇農村蹓過，捌佇曝粟仔ê時，去予粟仔毛mōa著身軀，chhiah-iáh kah規暝攏暎袂去。彼款ê艱苦，攏毋是課本寫--ê遐呢輕可koh帶詩意。路尾手chiah知影冊讀愈懸，愈去予看袂著ê手kā阮縛tīau leh，毋但無法度瞭解家己，嘛愈來愈排斥囡仔時代ê記持。中學ê時，咱嘛驚綴人袂著，學人唱he啥物『校園民歌』，去haiⁿ『不要問我從哪裡來，我的故鄉在遠方』，嘛自按呢去綴人聽啥物『今夜星辰』、『感性時間』。咱攏掠準講，序大人受日本教育傷濟，「中毒」傷重，後來chiah知影是咱家己中毒太深矣。對此塊kā咱chhiāⁿ養大漢ê所在，繼親像外人遐呢生份。對咱家己ê門口埋過，也毋行入去，袂輸註定一直teh流浪，嘛毋知beh流浪對叨位去？後來chiah知影咱讀「光復」冊ê囡仔，冊讀愈濟，對he幾千年前ê人，甚至毋捌去過ê所在嘛袂輸足親切--ê，毋過chiāⁿ百年來佇咱遮真正生活過ê人，咱身軀邊ê地號名凡勢猶真生份袂曉念。古早人講--ê，近廟欺神kám毋是按呢？

(七)

有一本冊予人藏佇太平洋下面，足深足深ê所在。天氣好ê時，日頭照(chhiō)佇海面，ē-tàng看著佇遐毫光燦爛、金光閃閃。海面有時烏陰濟雲，有時歹天落雨，風湧不時真大，根本to攏無看見。無人知影講遐呢深ê所在有一

本冊藏佇遐，連我嘛毋知。雄雄有一遍透早起來，看著此本冊因佇我ê桌頂。頂面ê筆跡干若是我ê，攏猶澹澹leh，袂輸是拄對大海hōi 起來niā。一下kā掀開，著會聽著真熟似ê氣口（khùi-kháu），猶閣有遐呢樂暢ê笑聲。斟酌kā看去，一隻一隻ù冊內底飛出來--ê，是火金姑啦，佇這烏墨墨ê世間燦一下、燦一下。

順著您ê光，我看著少年時代ê松仔。伊遐呢認真，遐呢出力踏腳踏車beh peh陸橋peh上崎。伊全款騎佇車路ê倒手片，猶是按呢笑笑，遐呢緣投。現在屏東ê陸橋攏拆掉矣，您目睷所看見--ê，所感受著ê光景，幹一下身to攏消失去矣。毋過現此時佇遮，看起來猶是按呢明明明。

燦一下，最後ê夜快車，我嘛看著Yuki家己一个人恬恬行入去車內。天色真暗矣，椅仔位予人客kā坐kah強beh淀矣，干焦睇上後壁猶有位。雖然暗摸摸，伊嘛是恬恬仔去坐踎最後一排。伊有淡薄仔緊張，beh離開故鄉矣，從此以後ài面對--ê是，伊永過攏毋捌去過ê世界？上尾後--ê，上尾後ê火車頭嘛毋知影是佇啥物所在？

燦一下，我嘛看著番王，老牽手過身了，您孫定定陪伊去田裡巡田水、拈紅豆仔、顧粟仔。兩公孫仔踎田寮仔過暝，天色一下暗來，是手伸出去to無看見指頭仔ê暗眠摸，干若予khòng闊ê世間攏放袂記得矣。番王日時做工課真忝，一下倒leh to暎去矣。佇遐呢恬靜ê熱天暗暝，干焦蟻蟲仔猶無聞teh食伊ê點心。志明仔目睷猶金khok-khok，拄chiah chhiāng身軀彼款井水鐵銑ê腥(chhèⁿ)味，涼風吹來，繼予伊感覺有淡薄ê涼冷。

(八)

History（歷史）ê英文若拆開來看，只不過是伊ê（his）故事（story）niā-niā。kā咱身邊熟似ê人伊ê故事寫落來，kám毋就是teh寫歷史？伊，有查埔--ê，嘛有查某--ê；有囡仔人，有少年家，有婦人人，有老歲仔，嘛有阿婆仔，嘛有勞動者。阮舅公路尾手佇高雄碼頭做工人，永過攏是叫做ku-lí。日本時代伊是teh拖人力車--ê，伊ê目睷有一款安靜俗溫柔，手模袂輸koh另外套一

雙粗布ê手橐仔遐大ê。伊講彼陣ê車夫攏kā舊ê車輪仔剪落來做鞋，講按呢穿走，ke真chiâ"輕鬆。美國仔來空襲ê時，厝內ê某团恰所有細軟ê物件因踏車頂，伊家已拖轉去臺中庄腳。日時驚大爆擊著歇暍，暗頭仔chiah開始走，按呢一chōa路kō走--ê，ài隔四暝五工chiah走會到位。用青春恰血汗經過彼場戰爭ê臺灣人，干焦「疏開」此个詞留予您做為記。

戒嚴時代ê教科書攏完全脫離現實。地理課本予人消遣是「歷史」；歷史課本予人供體(keng-thé)講是「小說」。佇遮，咱用小說來寫永過。永過親像ō-tó-bái(オートバイ/motorbik)手hōa"仔頂ê鏡看著ê形影，一秒一秒離咱愈來愈遠，最後攏總消失去矣，毋過he是咱現此時beh行東往西上重要ê參考。永過ê代誌毋是註定予人提來臭彈亂蓋，自按呢變做英雄ê封神榜niâ；看清楚永過，咱嘛chiah會知影咱繼落去ê未來。只要是認真活過--ê，kám毋是永過你我ê青春夢？咱若攏kā寫落來，kám毋是號做歷史？伊毋是好額人、毋是政治人物、毋是大家族出身--ê，毋是教科書寫著--ê。伊身份遐呢低，遐呢細，氣力嘛遐呢小，毋過是用家己ê血汗佇此塊土地認真活過。用性命teh寫歷史ê伊，是揸一葩鼓仔燈ê火金姑，佇長長暗暝按呢爍一下、爍一下。伊ê光chiâ"細葩，若無刁遲工chîn，嘛無一定會看著。伊有伊ê青春美夢，嘛有伊堅持ê最後一口氣，講袂出嘴ê悲哀，暗暗流落ê目屎。伊ê性命遐呢仔短，光遐呢仔小，孤一葩光佇烏暗ê世間是看無啥。毋過真濟葩火金姑ê光鬥陣，像星宿(chhe"-siù)ê閃爍，予咱一點仔光；若koh較濟葩呢，凡勢像銀河天星按呢，予咱佇起畏寒ê暗頭仔一點仔溫暖，佇孤單希微ê暗暝恰咱做伴。伊ê影跡恁若有趣味，聽好(thèng-hó)去尋古早地圖kā當做掠Pokemon ê好所在。雖然he是chiâ"百冬來ê臺灣，甚至幾十年前chiah發生ê代誌niâ，毋過千萬年ê歷史kám毋是oân-nā ùi現此時開始算leh？

(九)

藉著此个光，koh再一遍坐佇爸仔ê腳頭u面頂，聽伊用口琴歡ê《青春嶺》、

《快樂ê出帆》、《軍艦行進曲》遐呢輕鬆快活(khùi"-oah)，《燒肉粽》、《港都夜雨》、《青春悲喜曲》全款帶著淺淺ê哀愁。Koh再一遍，看著伊少年時上ài四界翁像ê形影，看著永過伊目矚所看著--ê，猶遐呢恬靜ê市街光景，一目nih仔niâ，to攏總消失無看見矣。

現此時ê你，拍開封印囉。斟酌聽，你會聽著遮呢濟臺灣人ê聲音，摸著此塊土地ê溫度。你是暍佇紅毛塗khōng ê岸邊，暗so-so ê世界傳來太平洋ê喘氣聲。你根本毋知影海有外深，洋有外闊，耳孔干焦聽著海水溢過海坪(phîa")，一波koh一波，彼款ê嬌氣是樂師ê演奏無法度比並(pí-phēng)--ê。目矚看對天頂去，一粒一粒清清楚楚攏總是星，遐呢清遐呢明，袂輸強beh跋落來全款。看到尾仔，繼毋知影是咱teh看天星，抑是天星teh看咱？

下昏暗ê天星，就是一切。聽候翻轉日，你若看ùi東片去，天拍拂光ê雲彩恰大海，一定是予人自按呢袂記得喘氣ê嬌。